

春秋左傳杜注

春秋左傳杜注卷第十五

華亭姚培謙學

襄公

經十年春公會晉侯宋公衛侯曹伯莒子邾子滕

子薛伯杞伯小邾子齊世子光會吳于柤吳子在柤晉以諸侯

往會之故曰會吳不稱子從所稱也桓楚地夏五月甲午遂滅

偃陽偃陽姁姓國今彭城傳陽縣也固桓會而滅之故曰遂今偃陽故城在澤縣南五十里公至自會無傳○

楚公子貞鄭公孫軌帥師伐宋○晉師伐秦荀董不書不親

也兵○秋莒人伐我東鄙○公會晉侯宋公衛侯曹

伯莒子邾子齊世子光滕子薛伯杞伯小邾子伐

鄭齊世子光先至於師為盟主所尊故在滕上。此三駕之一。○冬盜殺鄭公子駮公子

發公孫輒非國討當兩稱名氏殺者非卿故稱盜以盜為文故不得言其大夫。○戍鄭虎牢伐鄭諸侯各受

晉命戍虎牢不復為告命故獨書魯戍而不敘諸侯。楚公子貞帥師救鄭公至自伐鄭

無傳

傳十年春會于柤會吳子壽夢也壽夢吳子乘○夢莫公反三月癸

丑齊高厚相大子光以先會諸侯于鍾離不敬吳子未至

從東道與東諸侯會過非本期地故不書會高厚高固子也癸丑月二十六日士莊子曰高子相大子

以會諸侯將社稷是衛而皆不敬厚與光俱不敬弃社稷也

其將不免乎

為十九年齊殺高厚三十五年弑其君光傳

夏四月戊午會于祖

經書春書始行也戊午月一日

○晉荀偃士匄請伐偃陽而封宋向戌焉

以宋常事晉而向戌

有賢行故欲封之為附庸

荀瑩曰城小而固勝之不武弗勝為笑固

請丙寅圍之弗克

丙寅四月九日

孟氏之臣秦董父輦重如

役董父孟獻子家臣步挽重車以從師○董音謹

偃陽人啓門諸侯之士門焉

見門開故

攻縣門發聊人紇挾之以出門者

門者諸侯之士在門內者也紇聊邑大夫仲尼

父叔梁紇也聊邑魯縣東南莒城是也言紇多力挾舉縣門出在內者○縣音懸下同聊側留反紇恨發反挾烏穴反○孔疏縣門者編版廣長如門

施關機以縣門上有寇則發機而下之也紇為聊邑大夫公邑大夫皆以邑名冠之呼為某人孔子之父名紇字叔梁古人名字並言者皆先字而後名

故史記孔子世家稱為叔梁紇也服虔云扶
據也謂以木擬扶縣門使舉今下容人出也 狄虎彌建大車之輪

而蒙之以甲以為櫓 狄虎彌魯人也蒙覆也櫓大櫓○虎音斯櫓常尹反 左執之右拔

戟以成一隊 百人為隊 孟獻子曰詩所謂有力如虎者也

詩鄉風也 主人縣布董父登之及堞而絕之 偏陽人縣布以試外勇者 隊則

又縣之蘇而復上者三主人辭焉乃退 主人嘉其勇故辭謝不復縣布

帶其斷以徇於軍三日 帶其斷布以示勇○斷徒亂反 諸侯之師久於

偏陽荀偃士匄請於荀瑩曰水潦將降懼不能歸

向夏恐有久雨從丙寅至庚寅二十五日故曰久 請班師 班還也 知伯怒 知伯荀瑩 投之以机出

於其間 出偃匄之間机本又作几 曰女成二事而後告余 二事伐偏陽封向戌

余恐亂命以不攻違既成改之為亂命女既勤君而與諸侯

牽帥老夫以至于此既無武守無武功可執守而又欲易余

罪曰是實班師不然克矣謂偃句將言爾余羸老也可重任

乎不任受女此責○任音壬七日不克必爾乎取之言當取女以謝不克之罪五月庚

寅月四日荀偃士匄帥卒攻偃陽親受矢石躬在矢石間甲午

滅之月八日書曰遂滅偃陽言自會也言其國會以滅國非之也以與向

戌向戌辭曰君若猶辱鎮撫宋國而以偃陽光啓

寡君羣臣安矣其何貺如之言見賜之厚無過此若專賜臣是

臣與諸侯以自封也其何罪大焉敢以死請乃予

宋公宋公享晉侯於楚邱請以桑林桑林放天子之樂名荀瑩

辭辭讓之荀偃士匄曰諸侯宋魯於是觀禮宋王者後魯以周公故皆用天子禮樂

魯有禘樂賓祭用之禘三年大祭則作四代之樂別祭享公則用諸侯樂○孔疏諸侯之樂謂

時王所制之樂大武是也宋以桑林享君不亦可乎言俱天子樂也舞師題以

旌夏師樂師也旌夏大旌也題識也以大旌表識其行列○夏戶雅反識申志反○孔疏舞師無人之師主陳設樂事者謂舞初入之時舞師

建旌夏以引舞人而入以題識其舞人之首謂之旌夏蓋形制大而別為之名也晉侯懼而退入于房旌夏非常

卒見之人心偶有所畏去旌卒享而還及著雍疾晉侯疾也著雍晉地○著除慮反雅去聲卜

桑林見崇見於卜北○見音現崇息遂反荀偃士匄欲奔請禱焉奔走還宋禱謝

荀瑩不可曰我辭禮矣彼則以之以用也猶有鬼神於

彼加之

言自當加罪於宋

晉侯有間

間疾差也。差初賣反。

以偏陽子歸獻

于武宮謂之夷俘

諱俘中國故謂之夷

偏陽。妘姓也。使周内史

選其族嗣納諸霍人禮也

霍晉邑內史掌爵祿廢置者使選偏陽宗族賢者今居霍奉妘姓之祀善

不滅姓故曰禮也使周史者示有王命。孔疏此霍邑或稱霍人猶如晉邑謂之柏人也

師歸孟獻子以秦莖

父為右嘉其勇力

生秦丕茲事仲尼

言二父以力相尚子事仲尼以德相高

○六月楚子囊鄭子耳伐宋師于訾母

宋地。訾子斯反。母音無當在

河南歸德府鹿邑縣境

庚午圍宋門于桐門

不成圍而攻其城門

○晉荀瑩伐秦報其侵也

侵在九年

○衛侯救宋師于襄牛鄭子展曰必伐衛不然是

不與楚也。得罪於晉。又得罪於楚。國將若之何。子

駟曰。國病矣。師數出。疲病也。子展曰。得罪於二大國。必亡。病

不猶愈於亡乎。諸大夫皆以為然。故鄭皇耳帥師

侵衛。楚令也。亦兼受楚之敕命也。皇耳。皇戌子。孫文子卜追之。獻兆於

定姜。姜氏問繇。繇。兆辭。繇。直。投。反。曰。兆如山陵。有夫出征。而

喪其雄。姜氏曰。征者喪雄。禦寇之利也。大夫圖之。

衛人追之。孫蒯獲鄭皇耳于犬邱。蒯。孫林父子。

○秋七月。楚子囊鄭子耳侵我西鄙。於魯無所恥諱而不書其義未聞。

還圍蕭。八月丙寅克之。蕭。宋邑。九月子耳侵宋北鄙。孟

獻子曰：鄭其有災乎？師競已甚。競，爭也。周猶不堪競，况

鄭乎？周謂天王。有災，其執政之三士乎？鄭簡公幼，少字駟子國子耳，秉政，故知三士任其禍也。

下盜殺三
天夫傳

○莒人聞諸侯之有事也，故伐我東鄙。諸侯有討鄭之事

○諸侯伐鄭，齊崔杼使大子光先至于師，故長於

滕。大子宜賓之以上卿而今晉悼以一
時之宜，今在滕侯上，故傳從而釋之。己酉，師于牛首。鄭地

○初，子駟與尉止有爭，將禦諸侯之師，而黜其車

禦，牛首師也。黜，減損。尉止獲，又與之爭。獲，囚也。子駟抑尉止曰：爾車

非禮也。言攻車猶多過制。遂弗使獻。不使獻所獲。初，子駟為田洫，司

氏堵氏侯氏子師氏皆喪田焉

漁田畔溝也子駟為田漁以正封疆而侵四族田。堵丁

古反故五族聚羣不逞之人因公子之徒以作亂八年

所殺公子嬰等之黨於是子駟當國攝君事也子國為司馬子耳

為司空子孔為司徒冬十月戊辰尉止司臣侯晉

堵女父子師僕帥賊以入晨攻執政于西宮之朝

宮殺子駟子國子耳劫鄭伯以如北宮子孔知之

故不死子孔公子嘉也知難不告利得其處也為十九年殺公子嘉傳書曰盜言無大夫焉

尉止等五人皆士也大夫謂卿子西聞盜不做而出子西公孫尸而追盜

先臨尸而追盜盜入於北宮乃歸授甲臣妾多逃器用多喪

子產聞盜

子國

為門者

置守門

庀羣司

具衆

閉府庫

慎閉藏

完守備成列而後出兵車十七乘

千二百七十五人

尸而攻盜

於北宮子驕帥國人助之殺尉止子師僕盜衆盡

死侯晉奔晉堵女父司臣尉翩司齊奔宋

尉翩尉止子司齊司臣子

子孔當國

代子

為載書以位序聽政辟

自羣卿諸司各守其職位以受執政之法

不得與朝政

大夫諸司門子弗順將誅之

子孔欲誅不順者

子產

止之請為之焚書

既止子孔又勸今燒除載書

子孔不可曰為書以

定國衆怒而焚之是衆為政也國不亦難乎

難以至治

子產曰衆怒難犯專欲難成合二難以安國危之道

也。不如焚書以安衆。子得所欲欲為政也。衆亦得安。不亦

可乎。專欲無成。犯衆興禍。子必從之。乃焚書於倉

門之外。衆而後定。不於朝內燒欲使遠近見所燒

○諸侯之師。城虎牢而戍之。晉師城梧及制。欲以偏鄭也不

書城魯不與也。梧制皆鄭舊地。○嚴氏啟隆曰。梧與制皆虎牢之旁邑。城之所以翼虎牢。其事細。故史不書。士魴魏絳戍

之。書曰。戍鄭虎牢。非鄭地也。言將歸焉。二年晉城虎牢而居之。今鄭復

叛故脩其城而置戍。鄭服則欲以還鄭。故夫子追書繫之于鄭。以見晉志。鄭及晉平。楚子囊救鄭。十

一月。諸侯之師還鄭而南。至於陽陵。還繞也。陽陵鄭地。○還亦作環。戶關反。○

陽陵今在河南開封府許州西北。楚師不退。知武子欲退。曰。今我逃楚。楚

必驕驕則可與戰矣武子荀整欒黶曰逃楚晉之恥也合

諸侯以益恥不如死我將獨進師遂進己亥與楚

師夾潁而軍潁水出城陽至下蔡入淮子矯曰諸侯既有成行必不

戰矣言有成去之志從之將退不從亦退從猶服也退楚必圍我猶

將退也言同一將退也不如從楚亦以退之以退楚宵涉潁與

楚人盟夜渡畏晉知之欒黶欲伐鄭師伐涉潁者荀整不可曰我實

不能禦楚又不能庇鄭鄭何罪不如致怨焉而還

致怨為後伐之資今伐其師楚必救之戰而不克為諸侯笑

克不可命勝負難要不可命以必克要平聲不如還也丁未諸侯之師

還侵鄭北鄙而歸欲以致怨楚人亦還鄭服故也

○王叔陳生與伯輿爭政二子王卿士王右伯輿右助也王叔

陳生怒而出奔及河王復之欲奔晉殺史狡以說焉說王叔也

不入遂處之處叔河上晉侯使士匄平王室王叔與伯輿

訟焉直爭曲王叔之宰宰家臣與伯輿之大夫瑕禽瑕禽伯輿屬大夫

坐獄於王庭獄訟也周禮命夫命婦不躬坐獄訟故使宰與屬大夫對爭曲直士匄聽之王

叔之宰曰箠門閨竇之人而皆陵其上其難為上

矣箠門柴門閨竇小戶穿壁為戶上銳下方狀如圭也言伯輿微賤之家○閨亦作圭瑕禽曰昔平王東

遷吾七姓從王牲用備具王賴之而賜之駢旄之

盟平王徙時大臣從者有七姓伯與之祖皆在其中主為王備犧牲共祭祀王恃其用故與之盟使世守其職駢旄赤牛也舉駢旄者言得重盟

不以曰世世無失職若葦門閨竇其能來東底乎且

王何賴焉言我若貧賤何能來東使王恃其用而與之盟邪底至也○底音旨今自王叔之相也

政以賄成隨財制政而刑放於寵寵臣專刑不任法○孔疏刑討放赦之事在於寵臣官之師

旅不勝其富師旅之長皆受賂吾能無葦門閨竇乎言王叔之屬富故使吾貧

唯大國圖之圖猶議也下而無直則何謂正矣正者不失下之直范

宣子曰天子所右寡君亦右之所左亦左之宣子知伯與直

不欲自尊故推之於王使王叔氏與伯與合要合要辭王叔氏不能舉

其契要契之辭○孔疏周禮卿士職云辯其獄訟異其死刑之罪而要之鄭云要之為其罪辭如今劾矣彼謂官人畧取罪狀為其要約之辭

如今斷事也。漢世名斷獄為劾，故云如今劾矣。此言要辭亦是辭之要約。如今辯答也。合要者，使其各為要約言語，兩相辯答，伯與辭直，王叔無以應之，故不能舉其要。契之辭也。王叔奔晉，不書，不告也。單靖公為卿士，以

相王室代王叔

經十有一年春，王正月，作三軍。

增立中軍，萬二千五百人為軍。此志三家分公室之始。

○夏四月，卜郊，不從，乃不郊。

無傳

○鄭公孫舍之

帥師侵宋。○公會晉侯、宋公、衛侯、曹伯、齊世子光。

莒子、邾子、滕子、薛伯、杞伯、小邾子，伐鄭。

世子光至復在莒子之先，故晉

悼亦進之。此三駕之二。

秋七月己未，同盟于亳城北。

亳城鄭地，伐鄭而書同盟，鄭與盟可知。

亳城當在今河南河南府偃師縣。

公至自伐鄭。無傳○楚子、鄭伯、伐宋。○公

會晉侯宋公衛侯曹伯齊世子光莒子邾子滕子

薛伯杞伯小邾子伐鄭晉遂尊光。此三駕之三。會于蕭魚鄭服而請侯會蕭魚

鄭公至自會無傳以會至者觀兵而不果侵伐。○楚人執鄭行人良霄

良霄公孫輔子伯有也。○冬秦人伐晉

傳十一年春季武子將作三軍魯本無中軍唯上下二軍皆屬於公有事三卿更帥以征

伐季氏欲專其民人故假立中軍因以改作。孔疏禮明堂位云成王封周公於曲阜地方七百里其時必有三軍也詩魯頌閟宮頌僖公能復周公之宇云

公徒三萬鄭云大國三軍合三萬七千五百人言三萬者舉成數也則僖公復古制亦三軍矣蓋自文公以來霸主之令軍多則貢事多自減為二軍耳非是

魯衆不滿三軍也又曰周禮小司徒云凡起徒役無過家一人是家出一人故鄉為一軍天子六軍出自六鄉則大國三軍出自三鄉其餘公邑采地之民不

在三軍之數季武子今為三軍則異於是矣以魯國屬公之民皆分為三亦謂之三軍其軍之民不啻一萬二千五百家也由此言之此作三軍與禮之三軍

名同而實異也。告叔孫穆子曰：請為三軍，各征其軍。征賦稅也。三家各征

其軍之家屬。孔疏：往前民皆屬公，公稅其民，以分賜羣臣。今武子欲令民即屬己，已所應得，自稅取之。言軍之家屬者，丁壯從軍者，官無所稅，其家屬

不入軍者。穆子曰：政將及子，子必不能。政者，霸國之政。今禮大國三軍，魯次國而

為大國之制，貢賦必重，故憂不能堪。武子固請之。穆子曰：然則盟諸。穆子知季氏將

復變易。乃盟諸僖闕。僖宮之門。詛諸五父之衢。五父衢，道名，在魯國東南，詛以禍福之言。

相要。正月，作三軍，三分公室，而各有其一。三分國，民衆。三子

各毀其乘。壞其軍乘，分以足成三軍。乘，去聲。孔疏：往前民皆屬公，國家自有二軍，若非征伐，不屬三子，故三子自以采邑之民為己。

私乘，如子產出兵車十七乘之類。今既三分公室，所分得者，即是已。有不須更立私乘，故各自毀壞舊時車乘部伍，分以足成三軍也。季氏

使其乘之人，以其役邑入者，無征。使軍乘之人，率其邑，後入季氏者，無公征。孔

疏其乘之人即所分得者國內三分有一之人也役不入者倍征不入者謂其官力役則今之丁也邑謂賦稅若今之租調也季氏

者則使公家倍征之設利病欲驅使入己故昭五年傳曰季氏盡征之民辟倍征故盡屬季氏孟氏使半為臣若

子若弟取其子弟之半也四分其乘之人以三歸公而取其一叔孫氏使盡為臣盡取子弟以其

父兄歸公不然不舍制軍分民不如是則三家不舍其故而改作也此蓋三家盟詛之本言

○鄭人患晉楚之故諸大夫曰不從晉國幾亡也幾近也

幾音機楚弱於晉晉不吾疾也疾急也晉疾楚將辟之何為

而使晉師致死於我言當作何計楚弗敢敵而後可固與

也固與晉也子展曰與宋為惡諸侯必至吾從之盟楚師

至吾又從之則晉怒甚矣晉能驟來楚將不能吾

乃固與晉大夫說之使疆場之司惡於宋使守疆場之吏侵犯宋

宋向戌侵鄭大獲子展司師而伐宋可矣若我伐

宋諸侯之伐我必疾吾乃聽命焉且告於楚楚師

至吾又與之盟而重賂晉師乃免矣言如此乃免於晉楚之難夏鄭

子展侵宋欲以致諸侯

○四月諸侯伐鄭己亥齊太子光宋向戌先至于

鄭門于東門傳釋齊太子光所以序莒上也向戌不書宋公在會故其莫晉荀瑩至于

西郊東侵舊許許之舊國鄭新邑衛孫林父侵其北部六月

諸侯會于北林師于向向地在潁川長社縣東北○向音餉○今河南開封府尉氏縣西南四十里有向城

右還次于瑣

杜行而西為右還榮陽宛陵縣西有瑣候亭。今在禹州新鄭縣北。

圍鄭觀兵于

南門

觀示也

西濟于濟隧

濟隧水名。濟子禮反。

鄭人懼乃行成秋七

月同盟于亳范宣子曰不慎必失諸侯

慎敬威儀謹辭令

諸

侯道敝而無成能無貳乎

數伐鄭皆罷於道路

乃盟載書曰凡

我同盟毋蕙年

蕙積年穀而不分災蕙紆粉反

毋壅利

專山川之利

毋保姦

毋留慝

速去也

救災患恤禍亂同好惡獎王室

獎助也

或間

茲命司慎司盟名山名川

二司天神間去聲

羣神羣祀

羣祀在祀典者

先王先公

先王諸侯之大祖宋祖帝乙鄭祖厲王之比也先公始封君

七姓十二國之祖

七姓晉魯衛鄭曹滕姬姓邾小邾曹姓宋子姓齊姜姓管已姓杞妣姓薛任姓實十三國言十二誤也

明神殛之

殛誅也

失其民隊命亡氏踣其國家

踣斃也。踣蒲北反。

○楚子囊乞旅于秦

乞師於秦

秦右大夫詹帥師從楚

子將以伐鄭鄭伯逆之丙子伐宋

鄭逆服故更伐宋也秦師不書不與伐宋而還

○九月諸侯悉師以復伐鄭

此夏諸侯皆復來故曰悉師

鄭人使良

霄大宰石奭如楚告將服于晉曰孤以社稷之故

不能懷君君若能以玉帛綏晉不然則武震以攝

威之孤之願也楚人執之書曰行人言使人也

書行人言

非使人之罪古者兵交使在其間所以通命示整或執殺之皆以為讖也既成而後告故書在蒲魚下石奭為介故不書○奚較略反

○諸侯之師觀兵于鄭東門鄭人使王子伯駢行

成甲戌晉趙武入盟鄭伯冬十月丁亥鄭子展出

盟晉侯二盟不書不告十二月戊寅會于蕭魚經書秋史失之庚辰赦

鄭囚皆禮而歸之納斥侯不相備也禁侵掠晉侯使叔肸

告于諸侯叔肸叔向也告諸侯亦使赦鄭囚○掠音亮公使臧孫紇對曰凡我

同盟小國有罪大國致討苟有以藉手鮮不赦宥

寡君聞命矣言晉討小國有藉手之功則赦其罪人德義如是不敢不承命鄭人賂晉侯以

師悝師觸師蠲悝觸蠲皆樂師名○悝苦回反廣車軫車淳十五乘甲

兵備廣車軾車皆兵車名淳耦也○廣古曠反軾徒温反○廣純相耦凡十五乘廣車橫陳之車軾車屯守之車凡兵車

百乘他兵車及廣純共百乘歌鍾二肆肆列也縣鍾十六為一肆二肆三十二枚及其鎛磬鎛磬皆樂

器之鐘
音博

女樂二八十六人晉侯以樂之半賜魏絳曰子教

寡人和諸戎狄以正諸華在四年八年之中九合諸侯

如樂之和無所不諧諧亦和也。九合諸侯謂五年會戚又會城棣
救陳七年會鄆八年會邢邱九年盟于戲十

年會桓又伐鄭成虎牢十一
年同盟亮城北又會蕭魚請與子樂之共此樂。樂音洛辭曰夫和

戎狄國之福也八年之中九合諸侯諸侯無憾君

之靈也二三子之勞也臣何力之有焉抑臣願君

安其樂而思其終也詩曰樂旨君子殿天子之邦

詩小雅也謂諸侯有樂美之德可以
鎮撫天子之邦殿鎮也。殿都遍反樂旨君子福祿攸同攸所便也

蕃左右亦是帥從便蕃數也言遠人相帥來服
從便蕃然在左右。便平聲夫樂以安德

和其心也義以處之處位禮以行之行教信以守之守所仁以厲

之厲風而後可以殿邦國同福祿來遠人所謂樂也

言五德皆備乃為樂非但金石書曰居安思危逸思則有備有備無患

敢以此規規正公曰子之教敢不承命抑微子寡人

無以待戎待遇不能濟河渡河南夫賞國之典也藏在

盟府司盟之府有賞功之制不可廢也子其受之魏絳於是乎有

金石之樂禮也禮大夫有功則賜樂

○秦庶長鮑庶長武帥師伐晉以救鄭庶長秦爵也不書救鄭已屬晉

無所救鮑先入晉地士魴御之少秦師而弗設備壬午

武濟自輔氏從輔氏渡河與鮑交伐晉師己丑秦晉戰于

櫟晉師敗績易秦故也不書敗績晉恥易秦而敗故不書也櫟晉地○櫟力的反○蓋河上之邑

經十有二年春王三月莒人伐我東鄙圍台琅邪費縣南有

台亭○今屬山東兗州府季孫宿帥師救台遂入鄆鄆莒邑○文十二年嘗帥師城鄆魯不能守復

為莒所取○夏晉侯使士魴來聘○秋九月吳子乘卒五年會於

戚公不與盟而赴以名○冬楚公子貞帥師侵宋○公如晉

傳十二年春莒人伐我東鄙圍台季武子救台遂

入鄆乘勝入鄆報見伐取其鐘以為公盤

○夏晉士魴來聘且拜師謝前年伐鄆師

○秋吳子壽夢卒壽夢吳子之號臨於周廟禮也周廟文王廟也

魯立其廟吳始通故曰禮○臨力蔭反凡諸侯之喪異姓臨於外於城外同姓

於宗廟所出王之廟同宗於祖廟始封君之廟同族於禰廟父廟也同族謂

高祖以下是故魯為諸姬臨於周廟諸姬同姓國為邢凡蔣茅胙

祭臨於周公之廟即祖廟也六國皆周公之支子別封為國共祖周公

○冬楚子囊秦庶長無地伐宋師于楊梁以報晉

之取鄭也取鄭在前年梁國睢陽縣東有地名楊梁○今在河南歸德府城東南三十里

○靈王求后于齊齊侯問對於晏桓子桓子對曰

先王之禮辭有之天子求后於諸侯諸侯對曰夫

婦所生若而人不敢譽亦不敢毀故曰若而人妾婦之子若而人言非適也無

女而有姊妹及姑姊妹孔疏樊光曰古人謂姑為姑姊妹若父之姊為姑姊妹之妹為姑姊妹後人從尊卑

稱姑古人稱祖父近世單稱祖亦此類也則曰先守某公之遺女若而人齊侯

許昏王使陰里結之陰里周大夫結成也為十五年劉夏逆王后傳○守去聲

○公如晉朝且拜士魴之辱禮也士魴聘在此年夏嬖君臣不敵故曰禮也

○秦嬴歸于楚秦景公妹為楚共王夫人楚司馬子庚聘于秦為夫

人寧禮也子庚莊王子午也諸侯夫人父母既沒歸寧使卿故曰禮○孔疏楚共王以成元年即位秦嬴歸楚蓋應多年傳因于庚之

聘發其歸楚非此年歸而即使歸寧也

經十有三年春公至自晉○夏取邾邾小國也任城亢父縣有邾亭傳例曰書

取言易也。○邾音詩。○今邾城在濟寧州東南。趙氏鵬飛曰：內諱滅書取。○秋九月庚辰，楚子審卒。

共王也。成二年大夫盟于蜀。○冬，城防。

傳十三年春，公至自晉。孟獻子書勞于廟禮也。勞於

策也。桓二年傳曰：公至自唐，告於廟也。凡公行，告於宗廟，反行，飲至，舍爵策勳焉。禮也。桓十六年傳又曰：公至自伐鄭，以飲至之禮也。然則還告廟及飲至及書勞三事，偏行一禮，則亦書至。悉闕乃不書至，傳因獻子之事，以發明凡例，釋例詳之。

○夏，邾亂，分為三。國分為三部，志力各異。師救邾，遂取之。魯師也。經不稱師，不滿二千五百人。

凡書取言易也。不用師徒及用師徒而不勞，雖國亦曰取。用大師焉。曰

滅。敵人距戰斬獲俘該用，力難重，雖邑亦曰滅。弗地曰入。謂勝其國邑，不有其地。

○荀瑩士魴卒。晉侯蒐于縣上以治兵。為將命軍帥也，必蒐而命之所

以與衆共

使士匄將中軍。辭曰：伯游長。

伯游

昔臣習於知伯。

是以佐之，非能賢也。

七年韓厥老知登代將中軍，士匄佐之。今將讓，故謂爾時之舉，不以已賢事覓九年。

請從伯游。荀偃將中軍。

代荀

士匄佐之。

位如

使韓起將

上軍，辭以趙武。又使欒黶

以武位果，故不聽更命黶。

辭曰：臣不如韓

起。韓起願上趙武，君其聽之。使趙武將上軍。

武自新軍超四

等代

荀偃韓起佐之。

位如

欒黶將下軍，魏絳佐之。

黶亦如故絳自新軍佐超一等。

代士

新軍無帥。

將佐皆電

晉侯難其人，使其什吏率其卒乘

官屬以從於下軍，禮也。

得慎舉之禮

晉國之民是以大和。

諸侯遂睦。君子曰：讓禮之主也。范宣子讓其下皆

讓樂厲為汰弗敢違也晉國以平數世賴之刑善

也夫刑法也。○言士句之遜讓為羣臣之法至善也。一人刑善百姓休和可不務

乎書曰一人有慶兆民賴之其寧惟永其是之謂

乎周書曰刑也一人天子也寧安也永長也義取上有好善之慶則下賴其福。周之興也其詩曰儀

刑文王萬邦作孚詩大雅言文王善用法故能為萬國所信孚信也。言刑善也及其

衰也其詩曰大夫不均我從事獨賢詩小雅刺幽王役使不均故從事者怨恨

稱己之勞以為獨賢無讓心。言不讓也世之治也君子尚能而讓其

下能者在下位則貴尚而讓之。小人農力以事其上是以上下有禮

而讒慝黜遠由不爭也謂之懿德及其亂也君子

稱其功以加小人加陵也君子在位者小人伐其技以馮君子

馮亦陵也自稱其能為伐是以上下無禮亂虐竝生由爭善也爭自謂善也

之昏德國家之敝恒必由之傳言晉之所以興

○楚子疾告大夫曰不穀不德少主社稷生十年

而喪先君未及習師保之教訓而應受多福多福謂為君

是以不德而亡師于鄢鄢在成十六年以辱社稷為大夫憂

其弘多矣弘大也若以大夫之靈獲保首領以沒於地

唯是春秋窀穸之事窀厚也穸夜也厚夜猶長夜春秋謂祭祀長夜謂葬埋○窀張倫反穸音夕

以從先君於禰廟者從先君代為禰廟請為靈若厲欲受惡謚以歸先君

也。亂而不損曰震。殺不辜曰厲。

大夫擇焉莫對。及五命，乃許。秋，楚共

王卒。子囊謀謚。大夫曰：君有命矣。子囊曰：君命以

共，若之何毀之。赫赫，楚國而君臨之。撫有蠻夷，奄

征南海，以屬諸夏，而知其過，可不謂共乎。請謚之

共。大夫從之。傳言子囊之善。

○吳侵楚，養由基奔命。子庚以師繼之。子庚楚司馬。養叔

曰：吳乘我喪，謂我不能師也。養叔養由基也。必易我而不戒

戒備也。易以鼓反。子為三覆以待我。覆伏兵。覆扶又反。我請誘之。子庚

從之，戰于庸浦。庸浦，楚地。當在今江南廬州府無為州南。大敗吳師，獲公子

黨君子以吳為不弔

不用天道相弔恤

詩曰不弔昊天亂靡

有定

言不為昊天所恤則致罪也為明年會向傳

○冬城防書事時也

土功雖有常節通以事間為時○問音開○孔疏莊二十九年傳例曰凡土功龍見而畢務

戒事也火見而致用水昏正而裁是土功之常節也本設此節以為農事既闕故得用力於土功今此冬城防經傳皆不言月當在火見致用之前當時農收差早雖天象未至而民事已闕故云土功雖有常節通以事間為時言時節未是時而事以得時故言書事時也

臧武仲請俟畢農事禮也

○鄭良霄大宰石彘猶在楚

十一年楚人執之至今

石彘言於子

囊曰先王卜征五年

先征五年而卜吉凶也征謂巡守征行

而歲習其祥祥

習則行

五年五卜皆同吉乃巡狩

不習則增脩德而改卜

不習謂卜不吉

今楚

實不競行人何罪

不能脩德與晉競

止鄭一卿以除其偏

謂

宵使睦而疾楚以固於晉焉用之

位不偏則大臣睦怨疾楚則事晉固

使

歸而廢其使

行而見執於楚鄭又遂堅事晉是鄭廢本見使之意。以良宵見執為辱命廢之。

怨其君

以疾其大夫而相牽引也

○使相牽引令鄭國不和而事晉不固

不猶愈乎

楚人歸之

經十有四年春王正月季孫宿叔老會晉士匄齊

人宋人衛人鄭公孫蠆曹人莒人邾人滕人薛人

杞人小邾人會吳于向

叔老聲伯子也魯使二卿會晉敬事霸國晉人自是輕魯幣而益敬其使故叔

老樂介亦列於會也齊崔杼宋華閱衛北宮括在會情慢不攝故貶稱人蓋欲以督率諸侯成霸功也吳來在向諸侯會之故曰會吳向鄭地。叔老叔

胙孫故以叔為氏。蔓丑邁反。向音鉤。家氏鉉翁曰。○二月乙未朔。日內大夫未有二卿俱會者。志二卿之不當並行也。

有食之無傳。○夏四月。叔孫豹會晉荀偃。齊人。宋人。

衛北宮括。鄭公孫蔓。曹人。莒人。邾人。滕人。薛人。杞

人。小邾人。伐秦。齊宋大夫不書。義與向同。○己未。衛侯出奔齊。諸侯之策書孫

寘逐衛侯。春秋以其自取奔亡之禍。故諸侯失國者皆不書。逐君之賊也不書名。從告。王氏樵曰。按春秋。惟弑君書其弑其君。至於君為其下所出。止書出奔而已。言出奔。則或君無道。或臣彊。皆可推上。

下比事而見之矣。專以為歸罪其君者。害教之言也。○莒人侵我東

鄙。無傳。報入鄆。○秋。楚公子貞帥師伐吳。○冬。季孫宿會

晉士匄。宋華閱。衛孫林父。鄭公孫蔓。莒人。邾人。于

戚。

傳十四年春吳告敗于晉前年為楚所敗會于向為吳謀楚

故也謀為吳伐楚范宣子數吳之不德也以其通楚使也吳伐楚喪故以

為不德數而遣之卒不為伐楚執莒公子務婁在會不書非卿

故比年將執戎子駒支駒支戎子名范宣子親數諸朝行之所亦設

朝曰來姜戎氏昔秦人迫逐乃祖吾離于瓜州四嶽之後

皆姜姓又別為允姓瓜州地在今燉煌燉徒門反○今陝西肅州府有瓜州城乃祖吾離被苫蓋蓋音之別名○

被普皮反苫式占反蓋戶臘反爾雅曰白蓋謂之苫蒙荆棘以來歸我先君蒙音也我先君

惠公有不腆之田腆厚也與女剖分而食之中分為剖今諸侯

之事我寡君不如昔者蓋言語漏洩則職女之由

也 詰朝之事爾無與焉 詰朝明早不便復得與會事 與將執女對曰

昔秦人負恃其眾貪于土地逐我諸戎惠公獨其

大德 謂我諸戎是四嶽之裔也 謂我諸戎是四嶽之裔也 四嶽堯時方伯姜姓也裔遠胄後也

以制及 毋是翦弃 賜我南部之田狐狸所居豺狼所

嗥我諸戎除翦其荆棘驅其狐狸豺狼以為先君

不侵不叛之臣至于今不貳 不內侵亦不外叛 昔文公與

秦伐鄭秦人竊與鄭盟而舍戍焉 於是乎有

殺之師 晉禦其上戎亢其下 秦師不復我

諸戎實然譬如捕鹿晉人角之諸戎恃之 恃其足也

恃居綺反

與晉踣之

踣僵也。踣，蒲北反。角之謂執其角，猶之言戾其足。前覆謂之踣，言與晉共倒之。

戎何以不免

自是以來，晉之百役與我諸戎相繼于時

言給晉役不曠時

以從執政，猶毅志也

意常如毅，無中二也

豈敢離邊，今官之師

旅無乃實有所闕，以攜諸侯而罪我諸戎，我諸戎

飲食衣服不與華同，贄幣不通，言語不達，何惡之

能為不與於會，亦無嘗焉

嘗，問也。湯他歷反。嘗，莫贈反。

賦青蠅而退

青蠅詩小雅取其愷

悌君子無信讒言

宣子辭焉

辭

使即事於會，成愷悌也

成愷悌不信讒也不書者戎為晉屬不得特達

於是子叔齊子為季武子介以會

自是晉人輕魯幣而益敬其使

齊子叔老字也言晉敬魯使經所以並書二卿。齊子叔

老誼也解作
字傳寫之訛

○吳子諸樊既除喪

諸樊吳子乘之長子也乘卒至此春十七月既葬而除喪

將立季札

札諸樊少弟

季札辭曰曹宣公之卒也諸侯與曹人不義

曹君

曹君公子負芻也殺太子而自立事在成十三年

將立子臧子臧去之遂弗為

也以成曹君君子曰能守節君義嗣也

諸樊適子故曰義嗣誰

敢奸君有國非吾節也札雖不才願附於子臧以

無失節固立之弃其室而耕乃舍之

傳言季札之讓且明吳兄弟相傳

奸音干

○夏諸侯之大夫從晉侯伐秦以報櫟之役也

櫟役在十

一晉侯待于竟使六卿帥諸侯之師以進言經所以不稱晉侯

及涇不濟諸侯之師不肯渡也涇水出安定朝那縣至京兆高陸縣入渭○那乃多反叔向見叔孫

穆子穆子賦匏有苦葉詩邶風也義取於深則厲淺則揭言己志在於必濟叔向退而

具舟魯人莒人先濟鄭子蟜見衛北宮懿子曰與

人而不固取惡莫甚焉若社稷何懿子說二子見

諸侯之師而勸之濟濟涇而次傳言北宮括所以書於伐秦秦人毒

涇上流師人多死飲毒水故鄭司馬子蟜帥鄭師以進師

皆從之至于棫林棫林秦地○棫位逼反○棫林即舊鄭成林也今為華州屬陝西西安府不獲成

焉秦不服荀偃令曰雞鳴而駕塞井夷竈示不反唯余馬首

是瞻言進退從己樂廩曰晉國之命未是有也余馬首欲

東乃歸廩思偃自棄故弄之歸下軍從之左史謂魏莊子曰不待

中行伯乎中行伯荀偃也莊子魏絳也左史晉大史莊子曰夫子命從帥荀偃

樂伯吾帥也吾將從之從帥所以待夫子也以為命為待也

樂廩下軍帥莊子為佐故曰吾帥伯游曰吾令實過悔之何及多遺秦禽

軍帥不和恐多為秦所禽獲遺去聲乃命大還晉人謂之遷延之役遷延卻退

鍼曰此役也報櫟之敗也役又無功晉之恥也吾

有二位於戎路樂鍼樂廩弟也二位謂廩將下軍鍼為戎右敢不恥乎與士鞅

馳秦師死焉士鞅反鞅士鞅子樂廩謂士鞅曰余弟不欲

往而子召之余弟死而子來是而子殺余之弟也

弗逐余亦將殺之士鞅奔秦樂厲汰侈經逐士鞅也而女也於是齊崔

杼宋華閱仲江會伐秦不書情也臨事情慢不脩也仲江宋公孫師之子向

之會亦如之衛北宮括不書於向亦書於伐秦攝

也能自攝整從鄭子矯俱濟湮○趙氏匡曰按經意以事之邪正褒貶不為其小小幹舉情急生文秦伯問於士鞅

曰晉大夫其誰先亡對曰其樂氏乎秦伯曰以其

汰乎對曰然樂厲汰虐已甚猶可以免其在盈乎

盈厲秦伯曰何故對曰武子之德在民如周人之思

召公焉愛其甘棠况其子乎武子樂書厲之父也召公奭也訟於甘棠之下周人思之不害

其樹而作勿伐
之詩在召南
藥麇死盈之善未能及人武子所施沒

矣而麇之怨實章將於是乎在秦伯以為知言為

之請於晉而復之
為傳二十一年
晉滅欒氏張本

○衛獻公戒孫文子甯惠子食
救戒二子
欲共寔食皆服而朝

服朝服待
命於朝日旰不召
旰晏也
旰古旦反而射鴻於圃二子從之

從公於圃
○射音石不釋皮冠而與之言
皮冠田獵之冠也既
不釋冠又不與食二子怒

孫文子如戚
戚孫文
子邑孫蒯入使
孫蒯孫文
子之子公飲之酒使

犬師歌巧言之卒章
巧言詩小雅其卒章曰彼何人斯居河之麇
無拳無勇職為亂階戚衛河上邑公欲以喻

文子居河上而為
亂犬師掌樂大夫犬師辭師曹請為之
辭以為不可
師曹樂人初公有

嬖妾使師曹誨之琴誨教也師曹鞭之公怒鞭師曹三

百故師曹欲歌之以怒孫子以報公公使歌之遂

誦之恐孫蒯不解故蒯懼告文子文子曰君忌我矣弗先必

死欲先公作亂并帑於戚帑子也。其子先分兩處將欲作亂慮禍及其子故令并處於戚而入見

蘧伯玉曰君之暴虐子所知也大懼社稷之傾覆

將若之何伯玉蘧瑗對曰君制其國臣敢奸之奸猶犯也雖奸之

庸知愈乎言逐君更立未知當差否。差初賣反遂行從近關出懼難作欲速出竟公

使子矯子伯子皮與孫子盟于邱宮孫子皆殺之

三子衛羣公子疑孫子故盟之邱宮近戚地。矯居表反四月己未子展奔齊子展衛獻公弟公如

鄆鄆衛地。鄆音絹。

使子行於孫子。孫子又殺之。

使往請和也。子行，羣公子。

出奔齊。孫氏追之。敗公徒于阿澤。

濟北東阿縣。西南有大澤。

鄆人執

之。公徒因敗散還。故為公執之。

初，尹公佗學射於庾公。差，庾公差學

射於公孫丁。二子追公。

子佗與差為孫氏逐公。佗徒河反。

公孫丁御公。

為公御也。子魚曰：射為背師，不射為戮。射為禮乎？

子魚，庾公差。禮射不求中。

射音石下。除禮射皆同。

射兩軸而還。

軸，車輓卷者。輓其俱反。卷音權。擊。尹。軸，車輓下曲者。服虔云：車輓兩邊又馬頸者。

公佗曰：子為師，我則遠矣。乃反之。

佗不從丁學，故言遠。始與公差俱退，悔而獨還射丁。

公孫丁授公轡而射之。貫臂。

貫佗臂。

子鮮從公。

子鮮，公母弟。鮮，平聲。

及竟，公使祝宗告亡，且告無罪。

告宗廟也。

定姜曰：無神何

告若有不可誣也

誣欺也定姜公適母

有罪若何告無舍大臣

而與小臣謀一罪也先君有冢卿以為師保而蔑

之二罪也

謂不釋皮冠之比

余以中櫛事先君而暴妾使余

三罪也

視嫡母如妾而使之加虐也

告亡而已無告無罪

時姜在國故不使得告無罪

公使厚成叔弔于衛曰寡君使瘠聞君不撫社稷

而越在他竟

越遠也瘠厚成叔名厚本或作邱音同

若之何不弔以同盟之

故使瘠敢私於執事

執事衛諸大夫

曰有君不弔

弔恤也○不恤其臣

有

臣不敏

敏達也○不達事君之禮

君不赦宥臣亦不帥職增淫發洩

○君臣如此所以增其淫慝至于發洩以成逐君之事

其若之何衛人使大叔儀對

大叔儀衛

夫曰羣臣不佞得罪於寡君寡君不以即刑而悼

弃之乃自傷悼弃我諸臣而去以為君憂君不忘先君之好辱弔

羣臣又重恤之重恤謂愍其不達也敢拜君命之辱重拜大貺

謝重恤之賜厚孫歸復命語臧武仲曰衛君其必歸乎有

大叔儀以守守於國語守並去聲有母弟鱣以出或撫其內或

營其外能無歸乎齊人以邾寄衛侯邾齊所滅邾國邾音來及其

復也以邾糧歸言其貪右宰穀從而逃歸衛人將殺之

穀衛大夫也以其從君故欲殺之辭曰余不說初矣言初從君非說之不獲已耳說音悅言初之從君余亦

悔恨余狐裘而羔袖言一身盡善唯少有惡喻已雖從君出其罪不多乃赦之衛人

之矣

立公孫剽

剽穆公孫。剽，西抄反。

孫林父甯殖相之，以聽命於諸

侯

聽盟會之命。

衛侯在邾，臧紇如齊，言衛侯與之言。

虐退而告其人曰：衛侯其不得入矣，其言糞土也。

亡而不變，何以復國？

武仲不書，未為卿。

子展子鮮聞之，見臧

紇，與之言道。

順道理。

臧孫說謂其人曰：衛君必入，夫二

子者，或輓之，或推之，欲無入得乎？

為二十六年衛侯歸傳。推，他回反。

○師歸自伐秦，晉侯舍新軍，禮也。成國不過半天

子之軍。

成國大國。

周為六軍，諸侯之大者，三軍可也。於是

知朔生盈而死。

朔，知懿之長子，盈，朔弟也。盈生而朔死。

盈生六年而武子卒。

春秋左傳卷之二十一

彘裘亦幼。皆未可立也。新軍無帥。故舍之。襄士魴子也。十五年。新軍。

士魴卒。其子皆幼。未任為

卿。故新軍無帥。遂舍之。

○師曠侍於晉侯。師曠晉樂。大師子野。晉侯曰。衛人出其君。不

亦甚乎。對曰。或者其君實甚。良君將賞善而刑淫。

養民如子。蓋之如天。容之如地。民奉其君。愛之如

父母。仰之如日月。敬之如神明。畏之如雷霆。其可

出乎。夫君。神之主。而民之望也。若困民之主。匱神

乏祀。百姓絕望。社稷無主。將安用之。弗去。何為。天

生民而立之。君使司牧之。勿使失性。有君而為之。

貳貳卿使師保之勿使過度是故天子有公諸侯有

卿卿置側室側室支子之官大夫有貳宗貳宗宗子之副貳者士有朋友

庶人工商阜隸牧圉皆有親暱以相輔佐也善則

賞之賞請宣揚過則匡之匡正也患則救之救其難也失則革之革更也自

王以下各有父兄子弟以補察其政補其愆過察其得失史為

書謂大史君舉則書瞽為詩瞽盲者為詩以風刺工誦箴諫工樂人也誦箴諫之辭大夫

規誨規正諫誨其君士傳言士卑不得逕達聞君過失傳告大夫庶人謗庶人不與政聞君過則誹謗

商旅于市旅陳也陳其貨物以示時所貴尚如齊鬻踊之比百工獻藝獻其技藝以喻政事故夏

書曰道人以木鐸徇于路逸書道人行人之官也木鐸木舌金鈴徇於路求歌謠之言○今夏書情

征官師相規官師大夫自相規正工執藝事以諫所正月孟春

於是乎有之諫失常也有道人徇路之事天之愛民甚矣豈

其使一人肆於民上也肆放也以從其淫而弃天地之性

必不然矣傳言師曠能因問盡言○從子用反

○秋楚子為庸浦之役故在前子囊師于棠以伐吳

○棠楚地即今江南江寧府六合縣也吳不出而還子囊殿殿軍後以吳為不能

而弗傲吳人自臯舟之隘要而擊之臯舟吳險隘之道楚人

不能相救吳人敗之獲楚公子宜穀傳言不備不可以師

○王使劉定公賜齊侯命將昏於齊故也定公劉夏位賤以能而使之傳稱謚舉其終曰

昔伯舅大公右我先王股肱周室師保萬民世胙

大師以表東海前報也表顯也謂顯封王室之不壞繫伯

舅是賴繫發聲今反今余命女環環齊靈公名茲率舅氏之典

纂乃祖考無忝乃舊敬之哉無廢朕命纂繼也因昏而加褒顯傳言王

室不能命有功

○晉侯問衛故於中行獻子問衛逐君當討對曰不如

因而定之衛有君矣謂剽已立伐之未可以得志而勤諸

侯史佚有言曰因重而撫之重不可移就撫安之仲虺有言曰

亡者侮之亂者取之推亡固存國之道也仲虺湯左相君

其定衛以待時乎

待其昏亂之時乃伐之

冬會于戚謀定衛也立

剽○陸氏隴其曰討逐君之賊正所謂取亂侮亡何待時之有獻子身自弑君宜其為此言惜乎以悼公之賢而邪說是惑也

○范宣子假羽毛於齊而弗歸齊人始貳

析羽為旌王者游車

之所建齊私有之因謂之羽毛宣子聞而借觀之○孔疏周禮司常掌九旗之物名全羽為旒析羽為旌道車載旒游車載旌鄭云道車象路也王以朝夕燕出入游車木路也王以田以飾羽旌者有五色鳥羽又有旌牛尾也羽毛直費無多而此假於齊定四年假於鄭武當制作巧異故聞而借觀之

○楚子囊還自伐吳卒將死遺言謂子庚必城郢

楚徒都郢未有城郭公子爰公子儀因築城為亂事未得訖子囊欲訖而未暇故遺言見意

君子謂子囊忠君

薨不忘增其名

謂前作詔君為誌

將死不忘衛社稷可不謂

忠乎。忠，民之望也。詩曰：行歸于周，萬民所望。忠也。

詩小雅。忠信為周。言德行歸於忠。信即為萬民所瞻望。行去聲。

經十有五年春，宋公使向戌來聘。二月己亥，及向

戌盟于劉。蓋魯城外之近地。劉復逆王后于齊。劉，采地。復，名也。天子卿書字。

夏非卿，故書名。天子無外所命，則成故不言逆女。劉，王季子采地。復，康公子。夏，齊侯伐我北鄙，圍

成。公救成，至遇。無傳，遇魯地。書至，遇公畏齊不敢至成。季孫宿、叔孫豹帥

師城成郛。備齊故夏城。非例所譏。秋八月丁巳，日有食之。無傳。八月無丁巳。

也。日月必有誤。邾人伐我南鄙。冬十有一月癸亥，

晉侯周卒。四同。

傳十有五年春宋向戌來聘且尋盟

報二年豹之聘尋
十一年亳之盟

見孟獻子尤其室

尤責過也

曰子有令聞而美其室非所

望也對曰我在晉吾兄為之毀之重勞且不敢聞

傳言獻子友于兄且不隱其實

聞音問問非也不敢非兄

○官師從單靖公逆王后于齊卿不行非禮也

官師劉夏

也天子官師非卿也劉夏獨過魯告昏故不書單靖公天子不親昏使上卿
逆而公監之故曰卿不行非禮祭法云官師一廟鄭注中士下士也釋例
云元士中士稱名劉夏石尚是也
下士稱人公會王人于洮是也

○楚公子午為令尹

代子囊

公子罷戎為右尹為子馮

為大司馬

子馮叔敖從子
罷音皮馮皮冰反

公子橐師為右司馬公子

成爲左司馬。屈到爲莫敖。屈到屈公子追舒爲箴尹。

追舒莊王
子子南

屈蕩爲連尹。養由基爲宮廐尹。以靖國人。

君子謂楚於是乎能官人。官人國之急也。能官人

則民無覲心。無覲覲以求
幸。○覲音喻。詩云：嗟我懷人，寔彼周行。能

官人也。詩周南也。寔置也。行列也。周徧也。詩人嗟歎言我思得賢
人。置之徧於列位。是后妃之志。以官人為急。○行音杭。王及

公侯伯子男。甸采衛大夫各居其列。所謂周行也。

言自王以下諸侯大夫各任其職。則是詩人周行之志也。甸采衛五服之名
也。天子所居千里曰圻。其外曰侯服。次曰甸服。次曰男服。次曰采服。次曰衛

服五百里為一服。
不言侯男略舉也。

○鄭尉氏司氏之亂。其餘盜在宋。亂在
十年鄭人以子西

伯有子產之故納賂于宋三子之父皆為尉氏所殺故以馬四十乘

百六與師茂師慧樂師也茂慧其名茂扶廢反三月公孫黑為質焉公孫

黑子司城子罕以堵女父尉翩司齊與之良司臣而

逸之賢而放之託諸季武子武子寘諸卞子罕以司臣託季氏鄭

人醢之三人也三人堵女父尉翩司齊師慧過宋朝將私焉私小其

相曰朝也相師者慧曰無人焉相曰朝也何故無人慧

曰必無人焉若猶有人豈其以千乘之相易淫樂

之矇必無人焉故也千乘相謂子產等也言不為子產殺三盜得賂而歸之是重淫樂而輕相國○易以豉反

輕子罕聞之固請而歸之言子罕能改過

○夏齊侯圍成貳於晉故也不畏霸主故敢伐魯於是乎城成

郭郭郭也

○秋邾人伐我南鄙亦貳於晉故使告于晉晉將為會以

討邾莒十二年十四年莒人伐魯未之討也晉侯有疾乃止冬晉悼公卒

遂不克會為明年會澳梁傳

○鄭公孫夏如晉奔喪子蟜送葬夏子西也言諸侯畏晉故卿共葬

○宋人或得玉獻諸子罕子罕弗受獻玉者曰以

示玉人玉人能治玉者玉人以為寶也故數獻之子罕曰我

以不貪為寶爾以玉為寶若以與我皆喪寶也不

若人有其寶，稽首而告曰：小人懷璧，不可以越鄉。

言必為盜所害納此以請死也。請免死子罕寘諸其里，使玉人爲

之攻之也。攻治也富而後使復其所。賣玉得富

○十二月，鄭人奪堵狗之妻而歸諸范氏。堵狗堵女父之族，狗娶於

晉范氏，鄭人既誅女父，畏狗因范氏而作亂，故奪其妻歸范氏，先絕之，傳言鄭之有謀。

春秋左傳杜注卷第十五